

Աննա Գ. Ասատրյան
Արվեստագիրության դոկտոր

ԱՌՆՈ ԲԱՐԱՁԱՆՅԱՆ. ԴԻՄԱՆԿԱՐԻ ՆՐԲԱԳԾԵՐ

Ականավոր կոմպոզիտորի ծննդյան 90-ամյակի առիթով*

«Առնո Բարաձանյանը մեկն էր այն քչերից,
ում անունն ու ստեղծագործությունը նվաճեցին
համաժողովրդական սեր և ճանաչում:
Ես երջանիկ եմ, որ այդպիսի ընկեր եմ ունեցել»¹:
Էդվարդ Սիրովյան

2011թ. հունվարի 22-ին լրացավ ԽՍՀՄ ժողովրդական արտիստ, ԽՍՀՄ և ԽԽՍՀ Պետական մրցանակների դափնեկիր, ականավոր կոմպոզիտոր և տաղանդավոր դաշնակահար Առնո Հարությունի Բարաձանյանի ծննդյան 90-ամյակը:

Սրանից ճիշտ 28 տարի առաջ՝ 1983 թ. նոյեմբերի 11-ին, ոչ միայն հայ ժողովուրդը այլև ողջ Խորհրդային Սրությունը ցնցվեց Առնո Բարաձանյանի անժամանակ մահվան գույքից: Կորուստն անդամալի էր, ցավը՝ անամոքելի: «Առնյի հուղարկավորությունը, - վերիշշում է Ալ.Հարությունյանը, - առանց չափազանցության, իսկապես համաժողովրդական վշտի անկեղծ դրսորման վերածվեց: Անընդիատ հնչում էին իրամեշտի հուզումնալից խոսքեր, իսկ ես մի տեսակ մքագնության մեջ էի ու այդ խոսքերի իմաստը չէի ընկալում: Այդ դառը բռապեներին աչքերիս առջև սլացավ համատեղ ապրած մեր ողջ կյանքը»²:

Երջանիկ աստղի տակ էր ծնվել Ա.Բարաձանյանը: Նրա ստեղծագործությունների գգալի մասն առաջին իսկ կատարումից հետո ոչ միայն արժանանում էր պետական բարձր պարզների ու երաժշտական քննադատության հիացական գնահատականներին, այլև վայելում մեծ ժողովրդականություն: Իսկ նրա երգերը, որոնք այսօր էլ չնվազող սիրով ու ոգևորությամբ կատարվում են հայերեն ու ոուսերեն լեզուներով, ստեղծման առաջին իսկ օրերից դառնում էին հանրահայտ: Դրանք երգում էր ողջ խորհրդային երկիրը՝ Կալինինգրադից մինչև Վլադիվոստոկ, Մոսկվայից՝ Երևան...

Այսօր կարող ենք վստահաբար ասել, որ հայ (և ոչ միայն հայ) երաժշտագիտության մեջ վաղուց արդեն ձևավորվել ու բեղմնավոր ճանապարհ է

Գ (Ք) դարի թիվ 2 (34) սպակի-հունիս, 2011

ԿԵՐ ԽՈՎՈՎԻԱՀԱՎԱԿԱՆ ԽՈՒՆԻ

* Ընդունվել է տպագրության 21.5.2010:

1 Էդվարդ Միրզոյան. Փրամենտներ. Երևան, “Ամրոց գրություն”, 2005, ս. 281.

2 Ալեքսանդր Հարությունյան, Յուշեր, Եր., «Արծեց», 2000, էջ 96:

անցել բարազանյանագիտությունը: Ա.Բարազանյանը հայ կոմպոզիտորական հզոր բանակի այն սակավաթիվ ներկայացուցիչներից է, ում ստեղծագործական և կատարողական գործունեությունը դեռևս կենանության օրոք արժանացել է երաժշտագետների սևուուն ուշադրությանը: Բավական է նշել, որ արդեն 1961-ին քառասնամյա երգահանի մասին Մուլվայում և Երևանում միաժամանակ լրիս են տեսել երկու մենագրություններ՝ Սեղա Թաշչյանի³ և Անահիտ Գրիգորյանի⁴ ուսումնասիրությունները: Իսկ Ա.Բարազանյանի մահից հետո՝ 1985-ին, հրատարակվել է Սուսաննա Ամատունու հետազոտությունը⁵, որը նվիրված է մեծ երգահանի գործիքային ստեղծագործությանը: Ա.Բարազանյանի մասին վերջին ուսումնասիրությունը լրիս է տեսել ճիշտ տարը տարի առաջ՝ 2001-ին: Խոսքը մուլվայաբնակ երաժշտագետ Միխայիլ Տեր-Օհանյանի⁶ մենագրության մասին է, որտեղ հեղինակն առաջին անգամ ընդգրկվել է կոմպոզիտորի ստեղծագործական ժառանգության բոլոր ժանրերը:

Հընթացս անցած տասնամյակների՝ Ա.Բարազանյանի ստեղծագործական ու կատարողական գործունեության մասին հայ և խորհրդային երաժշտագետները գրել են նաև բազմաթիվ գիտական հոդվածներ, նրա առանձին երկերի հանգամանալի ուսումնասիրությանն անդրադարձել իրենց մենագրություններում⁷:

3 Տե՛ս Թաշչյան Սեղա, Առն Բարազանյան, Եր., 1961:

4 Տե՛ս Գրիգորյան Անաւա. Արնո Բաբաջանյան, Մոսկվա, “Советский композитор”, 1961, 61 с. ս. ոլլ. և ոտ., ոլլ., 1լ. պորտ.

5 Տե՛ս Ամատուն Սոսաննա. Արնո Բաբաջանյան. Инструментальное творчество. Исследование, Ереван, “Советская грох”, 1985.

6 Տե՛ս Տերօնյան Միհայլ. Արնո Բաբաջանյան. Մոսկվա, “Композитор”, 2001.

7 Տե՛ս Ամիրայլյան Գ., Նոր մատենագիտությունը Առն Բարազանյանի մասին: Նվիրվում է Առն Բարազանյանին, Եր., 2008, էջ 124-129: Գյողակյան Գ., Եցեր հայ երաժշտության պատմությունից (գիտ. խմբ.: Ա.Սուշենյան), Եր., 2009, Գյողակյան Գ., Յզրու տառանի, անկունելի անհատականություն: Նվիրվում է Առն Բարազանյանին, էջ 6-17: Զուրաբյան Ժ., Առն Բարազանյանը Եղափ Վարպետ, «Երաժշտական Դայաստան», 2006, թիվ 4 (23), էջ 2-3: Զուրաբյան Ժ., Առն Բարազանյանը Եղափ Վարպետ: Նվիրվում է Առն Բարազանյանին, էջ 115-119: Զուրաբյան Ժ., Թեմատիզմի հմտունացին առողջապահություն ազգային հենքը Առն Բարազանյանի «Դերսական բալլարում»: Նվիրվում է Առն Բարազանյանին, էջ 40-47: Զուրաբյան Ժ., Ուանգի-Երանգի պարեդանակի մշակում-վերադրումները հայ լինաղդիտումների գործիքային ստեղծագործություններում, «Երաժշտական Դայաստան», 2006, թիվ 4 (23), էջ 21-29: Սահակյան Լ., Առն Բարազանյանի երաժշտության նոր ձայնագրություններն ու հրատապնելունները: Նվիրվում է Առն Բարազանյանին, էջ 120-123: Ամատուն Ս. Օ պեսенном творчестве Арно Бабаджаняна, Арно Бабаджаняну посвящается, Ереван, 2008, с. 103-114. Ավետիսյան Հ. Полифонические сонаты Арно Бабаджаняна и Александра Арутюняна, Арно Бабаджаняну посвящаются, с. 97-102. Առյուն Ա. Առյուն Ա. Арно Бабаджанян в воспоминаниях современников, «Երաժշտական Դայաստան», 2006, թիվ 4 (23), с. 17-20. Առյուն Ա. Арно Бабаджанян в воспоминаниях современников, Арно Бабаджаняну посвящается, с. 63-70. Առյուն Ա. Фортепианная музыка Советской Армении, Ереван, 1968. Գեօդակյան Գ. Могучий талант, неповторимая индивидуальность, Арно Бабаджаняну посвящается, с. 17-28. Գերոնիմոս Ա. Героическая баллада А.Бабаджаняна, рукопись, 1955. Գրիգորյան Ա. Воспоминание об интервью, которого не было, «Երաժշտական Դայաստան», 2006, թիվ 4 (23), с. 9-10. Ջագապանյան Կ.. Стилистические метаморфозы музыки Арно Бабаджаняна, Арно Бабаджаняну посвящается, с. 78-83. Զօլոտօվա Ի. Бабаджанян-пианист, Арно Бабаджаняну посвящается, с. 48-62. Զօլոտօվա Ի. Пути развития пианизма в Армении (вторая половина XX века), исследование, Ереван, 2010. Հորաբեկյան Ջ. Интонационные истоки и национальное своеобразие тематизма в армянской симфонической музыке 1950-61 гг., Ереван, 2002. Կոչինյան Ջ. Концерт для фортепиано с оркестром Арно Бабаджаняна, «Երաժշտական Դայաստան», 2006, թիվ 4 (23), с. 50-53. Մարգարյան Գ. Фортепианный концерт и его разновидности в творчестве армянских композиторов. Тенденции развития (1950-1980-е гг.). Некоторые вопросы интерпретации. (Ред. А. Г. Асатрян), Ереван, 2009. Մատևոսյան Լ. О скрипичном концерте Арно Бабаджаняна, Арно Бабаджаняну посвящается, с. 84-96. Музикальная культура Армянской ССР. Сб. статей, Москва, 1985. Նես्तյեվ Ի. Композиторская молодежь Армении, «Советская музыка», М., 1950, N 11. Օրլով Գ. Советский фортепианный концерт, Л., 1954. Պարեն Ա. Советский инструментальный концерт, Л., 1967. Սоловцов Ա. Новые фортепианные концерты, «Советская музыка», М., 1951, N 9. Սարկիսյան Ս. Армянская музыка в контексте XX века, Москва, 2002. Սարկիսյան Ս. Арно Бабаджанян: истоки нового стиля, Арно Бабаджаняну посвящается, с. 29-39. Սարկիսյան Ս. Современные черты музыки Арно Бабаджаняна, Арно Бабаджаняну посвящается, с. 71-77 և այլն:

Առն Հարությունի Բարաջանյանը ծնվել է 1921 թ. հունվարի 22-ին Երևանում, մաքեմատիկայի ուսուցիչ, երաժշտության սիրահար Հարություն Բարաջանյանի հարկի ներքո, որը նաև հոյակապ կերպով ֆլեյտա էր նվազում: Արդեն 3-4 տարեկանում դրանորվում են ապագա երգահանի երաժշտական բացառիկ ընդունակությունները. նա արագորեն տիրապետում է ֆիսիարմոնին⁸ և տաճը լսած մեղեղիները նվազում մանկապարտեզի դաշնամուրի վրա: Օրերից մի օր տուն գալով՝ Առնոն պատմում է հորը Մոսկվայից եկած մի «քեռու» մասին, որն այցելել էր մանկապարտեզ, ստուգել բոլոր մանզուկների լսողությունն ու երաժշտական տվյալները, ապա ցույց տվել Առնոյին և ասել. «Այս տղան անպայման պետք է երաժշտություն սովորի»: Հայրը պատասխանել էր. «Ես այդ քեռուց շուտ գիտեի, որ դու պետք է երաժշտություն սովորես»⁹: Ինչ իմանային, որ Մոսկվայից եկած «քեռին» հենց ինքը՝ Արամ Խաչատրյանն էր: Հիրավի, քչերին է բախտ վիճակվել երաժշտության աշխարհ մուտք գործելու օրինությունը ստանալ Ա.Խաչատրյանից, այն էլ մանկապարտեզում, 4 տարեկան հասակում: Հետագայում նրանց միջև պիտի ստեղծվեր ջերմ բարեկամություն և հանճարեղ կոմպոզիտորի հանդեպ Ա.Բարաջանյանի երախտագիտության վկայությունը՝ նրա հիշատակին նվիրված «Էլեգիա»¹⁰ դաշնամուրային պիեսը, պիտի դառնար երաժիշտների ու երաժշտասերների ամենասիրված ստեղծագործություններից մեկը: ««Էլեգիան» հարգանքի տուրք է Ա.Խաչատրյանին, խոստովանել է կոմպոզիտորը, - որտեղ ես ու Սայաթ-Նովան հանդես ենք գալիս միասին»¹¹: Պիեսում, որն անբուժելի հիվանդությամբ տառապող կոմպոզիտորի վերջին շրջանի ստեղծագործություններից էր, Ա.Բարաջանյանն օգտագործել է Սայաթ-Նովայի «Քանի վոր ջան իմ» երգի մելեղին: Երգի ընտրությունը պատահական չէր. հայտնի է, որ Ա.Խաչատրյանը շատ բարձր էր գնահատում Սայաթ-Նովայի արվեստն ու մինչև իր վախճանը չէր դադարում իհանալ դրանով: Ինչպես խոստովանել է Ա.Բարաջանյանը, հերթական անգամ այցելելով Ա.Խաչատրյանին՝ նա անձամբ տեսել է, որ վերջինս գրառում է իր հրավերով ժամանած ժողովրդական երգչի կատարմանք հնչող՝ մեծ աշուտի երգերը: Հենց այս հիշողությունն էլ խթան դարձավ «Էլեգիայի» ստեղծման համար:

Դա՝ հետագայում: Խսկ մինչ այդ...

Իննամյա Առնոն գրում է իր անդրանիկ օրս-ը, «Պիոներական քայլերգը»՝ նվիրված հարազատ մանկապարտեզին, որը 1932-ին հրատարակում է «Հայպետհրատը»՝ 1000 օրինակ տպաքանակով: Հրատարակության նախաձեռնությունը Եղիշե Զարենցինն էր. «Մի անգամ, - հետագայում կիշի «Հայպետհրատի» երաժշտական բաժնի ղեկավար Մ.Մազմանյանը, - Զարենցը նեզ հաղորդեց իր հիացմունքը նախորդ օրը մի շնորհալի երեխայի ունեցած ելույթի մասին. Առնոյի հեղինակած «Պիոներական քայլերգը» նրան շատ էր դուր եկել: Տեսնելով երեխայի ինքնատիպ տաղանդը, Զարենցը որոշում է խրախուսել նրան և լույս ընծայել քայլերգը»¹²: Բնագրի վրա Եղիշե Զարենցը մակագրում է՝ օրս 1:

8 Ֆիսիարմոն - հարմոնի սկզբունքով կառուցված լեզվակային օդաճնշչ նվազարան, որը ձևով հիշեցնում է փոքրիկ պիանինո, ումի դաշնամուրի ստեղնաշար և լարվածք: Յնչողությամբ հիշեցնում է երգեհոնը:

9 Էդվարդ Միրզոյան. Փրամենտներ, ս. 273.

10 Տես Բաբաջանյան Արո Արյունովիչ. Произведения для фортепиано, Москва, «Советский композитор», 1991, с. 76-80.

11 Ամատոն Ս. Արո Բաբաջանյան. Инструментальное творчество. Исследование, с. 99.

12 Թաշյան Ս., Առն Բարաջանյան, էջ 12-13:

Բնությունը շուայլորեն էր օժտել Ա.Քարաջանյանին: Սակայն պակաս կարևոր դեր չունեցավ նրա մասնագիտական հիմնարար կրթությունը: 1946-1948-ին Ա.Քարաջանյանը կատարելագործվում է Մոսկվայում զործող Հայաստանի կուլտուրայի տաճր կից ստուդիայում՝ կոմպոզիտորներ Հենրիխ Լիտինսկու և Նիկոլայ Պեյկոյի, երաժշտագետ, արթեստագիտության դրվագոր Վիկտոր Ցուկերնանի դեկավարությամբ: 1947-ին Ա.Քարաջանյանն ավարտում է Երևանի Կոմիտասի անվան պետական կոնսերվատորիայի ստեղծագործական ֆակուլտետը՝ ազգային երաժշտության հիմքով կոմպոզիցիայի դասավանդման դպրոցի հիմնադիր Վարդգես Տալյանի (1896-1947) դասարանը¹³: Նոյն թվականին Պրագայում կայացած դեմոկրատական երիտասարդության համաշխարհային փառատոնում նրա «Վաղարշապատի պարը»¹⁴, «Պրելյուդն»¹⁵ ու «Էքսպրոնտը»¹⁶ արժանանում են առաջին մրցանակին: Եվ արդեն պարզորդ կերպով ուրվագծվում է տաղանդավոր երգահանի հետագա ստեղծագործական ուղին:

1948 թ. Ա.Քարաջանյանն ավարտում է Մոսկվայի կոնսերվատորիայի՝ խորհրդային ալիանսիզմի դպրոցի հիմնադիրներից մեջի, ԽՍՀՄ ժողովրդական արտիստ, խոշոր մանկավարժ Կոնստանտին Խոդոմովի (1873-1948) դաշնամուրային դասարանը¹⁷: Ուսուցիչը շատ բարձր էր զնահատում Քարաջանյան-դաշնակահարին, որն աշակերտել էր նրան դեռևս 1942-ին՝ Երևանում, եթե այստեղ էր տեղափոխվել ականավոր դաշնակահարը¹⁸:

Ավարտական քննության ծրագրում ընդգրկված էին Ս.Տանեսի՝ դժվարության պատճառով սակավ կատարվող Պրելյուդը և ֆուգան¹⁹, Ֆ.Շոպենի էտյուդները, Ս.Ռախմանինովի Պրելյուդները, Բերիովենի «Ապասիոնատը» և Ս.Ռախմանինովի «Դաշնամուրային երկրորդ կոնցերտը»: «Դիմունային ծրագիրը հնչեց 1948-ի հուլիսին, Մոսկվայի կոնսերվատորիայի փոքր դահլիճում, որը լեփ-լեցուն էր ունկնդիրներվ, քանի Քարաջանյանը շատ հանրահայտ էր կոնսերվատորիայի ուսանողների և դասախոսների շրջանում: Տանեսի Պրելյուդի և ֆուգայի կատարումը գերազանցեց բոլոր սպասելիքները: Ռախմանինովի Պրելյուդները հնչեցին այնպես, որ ծերունազարդ երաժշտներից շատերը խոստովանեցին: «Փակում ես աչքերդ և թվում ե, թե նվազում է ինքը՝ Սերգեյ Վասիլիչը», իսկ համերգի ավարտին հնչած Ռախմանինովի Կոնցերտը դարձավ իսկական գագարնակետը: Թե ինչ էր կատարվում դրանից հետո արտիստական սենյակում՝ դժվար է պատկերացնել շատերի աչքերին արցունքներ, հիացական բացականչություններ, զերմ գրկայառնություններ...»²⁰:

13 Վ.Տալյանի սաներից են Ալ.Շարությունյանը, Էդ.Միրզոյանը, Ղ.Սարյանը, Ա.Խուդյոյանը, Ա.Մերանգուլյանը, Ո.Արքյանը և այլք:

14 Տես Բագաջանյան Արիո Արյունովիչ. Произведения для фортепиано, с. 15-19.

15 Տես նոյն տեղում, էջ 3-4:

16 Տես նոյն տեղում, 11-14:

17 Կ.Դիգումնովի սաների թվում էին և Յակով Ֆլիերը: Եվ ինչպես հետագայում նկատել է Յա.Ֆլիերը՝ «Կոնստանտին Նիկոլաևիչը կեղծ հնչյունները ներում էր, իսկ կեղծ հոգին՝ երթեք»: Տես Շվարդ Միրզոյան. Փրագմենտ, էջ 272).

18 Այդ օրերին Ֆիլիարմնիայի փոքր դահլիճում կայանում է Կ. Իգորմնովի հոբեյանական համերգը, որտեղ Քարաջանյանը նվազում է Բալակիրևի «Խոյամեյը»: Կատարումից հետո Իգորմնովը Քարաջանյանին ասում է: «Կարող ես հանրաբեկ, որ «Խոյամեյց» հետո որևէ ստեղծագործություն քեզ հանար դժվարություն չի ներկայացնի» (տես Ալեքսանդր Զարությունյան, Յուշեր, էջ 19):

19 Ֆուզա (լատիներեն՝ fuga՝ վագր, փախուսու) - պոլիֆոնիկ երաժշտության առավել կատարյալ ձև, որը հիմնված է բույրով ձայներում տոնայնական որոշակի հաջորդականությամբ մեկ, երկու, սակայն՝ երեք և հազվադեպ՝ չորս թեմաների բազմակի անցկացնան վրա:

20 Արյունյան Ա. Արիո, «Երաժշտական Դայաստան», 2006, թիվ 4 (23), ս. 12.

Ասում են, թե դիպլոմային քննության ժամանակ քննական հանձնաժողովի անդամները խնդրում են Բարաջանյանին նվազել ծրագրից դուրս. նա նվազում է սեփական Պրելյուդ՝ գրված Սկրյաբինի ոճով և մոլորության մեջ զցում հարգարժան պրոֆեսորներին. նրանց թվում է, թե լսում են Սկրյաբինի՝ իրենց անհայտ ստեղծագործությունը: Հավարտ քննության՝ Բարաջանյանը կատարում է «Վահարշապատի պարը»:

Կ. Քումանովը, գիտակցելով, որ Ա. Բարաջանյանը բացառիկ տաղանդի երաժշտական անհատականություն է և իր ձեռքերի կառուցվածքի շնորհիվ կարող է հեշտությամբ նվաճել դաշնամուրային տեխնիկայի բարձունքները, դեռևս ուսումնառության տարիներին բազմից խորհրդուր էր տալիս. «Առն՝ աղավնյակս, ախր, ինչո՞ւ՝ եք Դուք երաժշտություն հորինում: Ախր մենք մեծ դաշնակահար ենք կորցնում»²¹: Իսկ ԽՍՀՄ ժողովրդական արտիստ, Սոցիալիստական աշխատանքի հերոս Սվյատովակ Ռիխտերի համոզմամբ՝ «Նա խոշորագույն դաշնակահար էր... Բայց երաժշտություն էր գրում: Նվիրվելով ստեղծագործությանը՝ որպես դաշնակահար հանդես էր գալիս միայն իր գործերի կատարմամբ»²²:

ԽՍՀՄ ժողովրդական արտիստ, Սոցիալիստական աշխատանքի հերոս Էմիլ Գիլելսը, որն իր գնահատականներում ծայրահետ խիստ էր, խոսելով Բարաջանյան-դաշնակահարի բացառիկ օժտվածության մասին, նրան անվանել է «ցնցող դաշնակահար» և խոստվանել, որ եթե նա ընտրեր այդ ուղին, ապա կդառնար հոչակափոր դաշնակահար²³:

Ինչպես հետագայում կիհիշի Ա. Բարաջանյանի սան, խորհրդահայ Երգեհոնային դպրոցի հիմնադիր, երգեհոնահար, դաշնակահար Վահագն Ստամբուլյանը, իր ուսուցչի ձեռքերն ապշեցնում էին իրենց ուժով և զարմանալի զգայունությամբ. «Այդպիսի ձեռքեր ես չեմ տեսել ոչ մեկի մոտ»²⁴:

Ա. Բարաջանյանն առանձնապես հոչակլեց իր ստեղծագործությունների կատարմամբ: Ուստի պատահական չէ, որ նրա ստեղծագործական ժառանգության կարևոր մասն է կազմում գործիքային երաժշտությունը. իր սիրելի, պաշտելի դաշնամուրին նա դիմեց ստեղծագործական առաջին քայլերից և հավատարիմ մնաց ողջ կյանքում: Հենց դաշնամուրային գործերում առավել լիարժեք ու հետևնդականորեն բացահայտվեցին երգահանի ստեղծագործական գործունեության բոլոր փուլերը:

Ա. Բարաջանյանի վաղ շրջանի գործերից են Լարային N 1 կվարտետը (1943), Դաշնամուրային կոնցերտը (1944), Լարային N 2 կվարտետը (1947) և Զուրակի կոնցերտը (1949)²⁵:

Դաշնամուրային կոնցերտը²⁶ Ա. Բարաջանյանի խոշոր կտավի առաջին ստեղծագործություններից էր, որը հեղինակը նվիրեց Հայաստանում խորհրդային

21 **Золотова И.** Пути развития пианизма в Армении (вторая половина XX века), исследование, Ереван, 2010, с. 120.

22 Նոյն տեղում:

23 **Տե՛ս Առյան III.** Арно Бабаджанян в воспоминаниях современников, «Երաժշտական Դայաստան», 2006, թիվ 4 (23), с. 17.

24 **Маргарян Г.** Жанр фортепианного концерта в творчестве армянских композиторов. Тенденции его развития (1950–1980-е гг.), Ереван, 2009, с. 38.

25 Զուրակի կոնցերտը 1972-ին ձայնագրվել է Վ. Մուկացյանի և Շևաշ պետական սիմֆոնիկ նվագախմբի կատարմամբ, դիրիժոր՝ Ս. Սալունցյան, իսկ 1973-ին «Դայաստան» հրատարակչությունը լույս է ընծայել Կոնցերտի կամփիր:

26 **Տե՛ս Կոչինյան Ջ.** Концепт для фортепиано с оркестром Арно Бабаджаняна, «Երաժշտական Դայաստան», 2006, թիվ 4 (23), ո. 50-53.

կարգերի հաստատման 25-ամյակին: Տարիներ անց՝ 1978-ին, կոմպոզիտորը խոստվանել է, թե «հենց Դաշնամուրային առաջին կոնցերտից էլ կարելի է սկսել իմ ստեղծագործական կենսագրությունը»²⁷: Կոնցերտի առաջին մասն առաջին անգամ հնչեց 1944-ին՝ Թրիլիսիում, հեղինակի կատարմամբ՝ հընթաց Անդրկովկայան համրապետությունների երաժշտության տասնօրյակի և ըստ արժանիքույն գնահատվեց ունկնդիրների կողմից²⁸: 1946-ին ՀՍՍՀ Կուլտուրայի մինիստրության մրցանակարաշխությունում այս Կոնցերտի համար Ա. Բարաջանյանն արժանանում է երկրորդ մրցանակի: Երկրորդ անգամ Կոնցերտը կատարվեց Մոսկվայում, 1947-ին ու այլև լրեց՝ չիրատարակվեց, և անգամ կորսվեց նրա ձեռագիրը...

1950-ին Ա.Բարաջանյանը վերադառնում է հայրենիք և դասավանդում Երևանի Կոմիտասի անվան պետական կոնսերվատորիայի դաշնամուրային դասարանում՝ շարունակելով նաև ստեղծագործել: Նոյն թվականին Ալ.Հարուրյունյանի հետ ստեղծված «Հայկական ռապսոդիան» լայն ժողովրդականություն է վայելում՝ հեղինակների անզուգական կատարմամբ հնչելով աշխարհի տարբեր թեմահարրարակներում:

Ա.Բարաջանյանի անհատական ոճը լիարժեք դրսնորվել է «Հերոսական բալլարդ» (1950, ԽՍՀՄ Պետական մրցանակ՝ 1951), ապա՝ Դաշնամուրային տրիում (1952, ԽՍՀՄ Պետական մրցանակ՝ 1953): 1959-ին նա գրում է Զուրակի և դաշնամուրի սոնատը, 1962-ին՝ Թափչուրակի կոնցերտը, իսկ իր Լարային N 3 կվարտետը նվիրում Դ.Շոստակովչի հիշատակին՝ ի նշան մեծ կոմպոզիտորի նկատմամբ տածած անկեղծ հարգանքի:

Դաշնամուրի և նվազախմբի համար գրված «Հերոսական բալլարդ»²⁹, դառնալով ողջ խորհրդային երաժշտության մեծ նվաճումը, նոր էջ բացեց հայ գործիքային կոնցերտի պատմության մեջ՝ հեղինակին բերելով ԽՍՀՄ Պետական մրցանակ ու համաշխարհային հոչակ: Կոմպոզիտորն այն անվանել է սիմֆոնիկ վարիացիաներ՝ դաշնամուրի և սիմֆոնիկ նվազախմբի համար: «Սրանում հեղինակը արտացոլել է մեր իրականության առավել էական կողմերն ու գծերը՝ խևական հումանիզմը, հերոսականությունն ու լավատեսությունը»³⁰: «Հերոսական բալլարդ» առաջին անգամ կատարել են հեղինակը և սիմֆոնիկ նվազախմբը՝ Ս.Չարեքյանի նեկավարությամբ, 1950-ին: Հետագայում այս ստեղծագործությունը բազմից հնչել է Մոսկվայում, Լենինգրադում, Թրիլիսիում, Բրյուսելում, Վիեննայում: Բացի հեղինակից, «Հերոսական բալլարդ» կատարել են Էմիլ Գիլելսը, Վիկտոր Սերժանովը, Լև Վասենկոն, Արմեն Բարախանյանը, Կարինե Օհանյանը և ուրիշներ: Ավելին՝ 1985-ին «Հերոսական բալլարդ» բեմ բարձրացավ Երևա-

27 **Митинян А.** О фортепианном концерте Арно Бабаджаняна, «Երաժշտական Դայաստան», 2006, թիվ 4 (23), с. 55-56

28 Տասնորյակի շրջանակներում Կոմիտասի անվան լարային կվարտետի կատարմամբ հնչել է նաև Ա.Բարաջանյանի Առաջին մեկնասանի կվարտետը, իսկ հայկական կամերային երաժշտության համերգի ծրագիրը Եզրափակել է նրա Պարզ երկու դաշնամուրի համար՝ հեղինակի ու Ալեքսանդր Դարությունյանի կատարմամբ:

29 **Տե՛ս Margaryan G.** Жанр фортепианного концерта в творчестве армянских композиторов. Тенденции его развития (1950-1980-е гг.), Ереван, 2009, с. 37-49. **Зурабян Ж.** Интонационные источники и национальное своеобразие тематизма в армянской симфонической музыке 1950-61 гг., Ереван, 2002, с. 66-73.

30 **Коптев С., Тэրьян М., Рухян М.** Симфоническая музыка и инструментальный концерт, Музыкальная культура Армянской ССР. Сб. статей, Москва, 1985, с. 175.

նի Ալ.Սպենդիարյանի անվան օպերայի և բալետի պետական ակադեմիական թատրոնում և Հշոտ Ասատուրյանի սցենարով թեմադրվեց որպես բալետ-մեկմասնի սիմֆոնիա (խորեոգրաֆիկ սիմֆոնիա):³¹

Տրիոն դաշնամուրի ջուրակի և բավջուրակի համար, որը խորհրդային կամերային երաժշտության նշանակալի ձեռքբերումներից էր, հաջողությամբ կատարվեց Երևանում և Մոսկվայում ու հեղինակին բերեց ԽՍՀՄ Պետական մրցանակ: Առաջին կատարողներն էին Դ.Օստրախսը, Ս.Կոնչիկիցիկին և հեղինակը: Ա.Բարաջանյանի ստեղծագործության հետազոտողները գտնում են, որ «Իր գաղափարական մտահղացմամբ, համարվող կերպարների սուր կոնֆլիկտայնությամբ, զարգացման նպատակամդրվածությամբ, անկեղծությամբ և անմիջականությամբ Բարաջանյանի Տրիոն դեռևս XIX դարավերջին ռուսական երաժշտության մեջ հաստատված սկզբ տրիոյի ավանդույթի շարունակությունն է, թեև չունի որոշակի նվիրում»³²: Տրիոն չունի ծրագիր, սակայն նրա բնույթը ու երաժշտական շարադրանքը կրահելի են դարձնում ծրագրային մտահղացման առկայությունը: Ստեղծագործության զարգացման գիծը պայմանավորում է նրա լայտմուտիվը³³, որն առաջին անգամ հնչում է նախարանում. «...Տրիոյի ողջ երաժշտությունն ընկալվում է որպես քնարական խոռվահույզ մի պատում մարդկային ուժեղ անհատականության կյանքի ճանապարհին ծառացած ողբերգական խոչընդոտների դեմ պայքարի մասին: Որպես այս ողբերգական խոչընդոտների ընդհանրացված կերպար հանդես է գալիս վերոհիշյալ լայտմուտիվը: լայտմուտիվի ողբերգական կերպարնին հակադրված են երաժշտական մյուս կերպարները»³⁴, - գրում է արվեստագիտության դոկտոր Գ. Գյողակյանը: Տրիոյի կարևոր առանձնահատկություններից է սիմֆոնիզմը, որն արտահայտվում է ինչպես երաժշտական գաղափարի հետևողական զարգացման դրսնորմամբ, այնպես էլ թեմաների միջանցիկ զարգացման առկայությամբ:

Ա.Բարաջանյանի **Թավջուրակի և նվազախմբի կոնցերտը**³⁵ նույնական նշանակալի երևույթ դարձավ հայ և խորհրդային երաժշտության մեջ՝ նշանավորելով կոմպոզիտորի ստեղծագործական էվլույցիայի նոր փուլը: Խորապես ազգային երկնական կոնցերտը միաժամանակ կրում է ժամանակակից երաժշտական մտածողության դրոշմը:

Ա.Բարաջանյանի նորարարական գործերի շարքում կարևոր տեղ են գրավում նաև նրա «Պոլիֆոնիկ ստենատը» (1947, 2-րդ խմբ.՝ 1956) և «Վեց պատկեր» շարքը (1965, ՀԽՍՀ Պետական մրցանակ՝ 1967):

Հայ և խորհրդային դաշնամուրային երաժշտության մեջ նոր խոսք դարձավ «Վեց պատկեր» (1964) դաշնամուրային շարքը: Ա.Բարաջանյանը Խորհրդային Սիոնությունում առաջիններից կիրառեց դրդեկաֆոն³⁶ գրելառնը: Իր ինքնատիպ

31 Տես **Сарգсян Հ.** Աշոտ Ասատուրյան - խօրեոգրաֆ ուսումնառության առաջնային անդամական գործականությունների մասին աշխատանք (Երևան, Ամրոց գրություն, 2011, ս. 112):

32 **Ամատունի Ս.** Արիո Բաբաջանյան. Ինստրումենտալյուս տարածությունը. Առաջնային անդամական գործականությունների մասին աշխատանք (Երևան, Ամրոց գրություն, 2011, ս. 112):

33 Լայտմուտիվ (գերմաներեն՝ Leitmotiv՝ ղեկավար եղանակ, մոտիվ) - օպերաներում, օրատորիաներում, կանտատներում, ծրագրային երաժշտության մեջ կիրառվող ցայտուն և հիշվող մեղեդային դարձվածք, որը բնորոշում է գործող անձանց զգացմունքները, տրամադրությունները, բնության երևույթները, վերացական գաղափարները և անձն անգամ հնչում՝ ուղեւցելով դրանց:

34 **Գյողակյան Գ.**, Եցեր հայ երաժշտության պատմությունից (գիտ. խմբ.՝ Ա.Սուշենյան), Եր., 2009, էջ 134:

35 Մարտրամասն տես **Ամատունի Ս.** Արիո Բաբաջանյան. Ինստրումենտալյուս տարածությունը. Առաջնային անդամական գործականությունների մասին աշխատանք (Երևան, Ամրոց գրություն, 2011, ս. 71-79):

36 Դրդեկաֆոնիա - 20-րդ դարի կոմպոզիտորական տեխնիկաներից է, երաժշտության հորինման մեթոդ:

շարքում հեղինակը վարպետորեն համադրեց մի կողմից՝ դոդեկաֆոն տեխնիկան, մյուս կողմից՝ հայ ժողովրդական մեղեղիները և ոիրմական դարձվածքները: Սա ոչ միայն փոլային նշանակություն ունեցավ կոմպոզիտորի ստեղծագործության համար, այլև դարձավ հայ դաշնամուրային երաժշտության նախընթաց չափագանց հագեցած զարգացման ինքնատիպ անփոփում-զագարնակետը:

Սակայն այս ամենով հանդերձ՝ Ա. Բաբաջանյանի համար բախտորոշ ժանրը երգն էր, որն ուղեկցեց նրան ստեղծագործական ողջ կյանքում: Եվ դա պատահական չէր. չէ՞ որ նրա մանկության տարիներին Երևանում տարածված ու սիրված էր Պեպոյի երգը՝ «Պեպո» Փիլմից, և Ա.Խաչատրյանի գրած այս երգի սիրահարների թվում էր նաև Առնոն:

Հենց երգերում, քատերական ներկայացումների համար գրած երաժշտության (Վ. Սարյան, «Իմ սիրով լեռներում է», Գ. Սունդուկյանի անվ. քատրոն), ինչպես նաև կինոերաժշտության («Հասցեատիրոց որոնումները», «Ամպրոպի արահետով», «Անձամբ ճանաչում եմ», «Սոռաջն սիրո երգը», (համահեղինակ՝ Դ. Սարյան), «Անդրաշխարհյան փեսացուն», «Քաղրասարը բաժանվում է կնոջից», «Երջանկության մեխանիկա», ՀԽՍՀ Պետական մրցանակ՝ 1983), նաև՝ «Հարսնացուն հյուսիսից»³⁷, ««Մըցույրի էին եկել խոհարարները» և այլ հեռուստաֆիլմեր), մեջ էր, որ առավելագույնս դրսերվեց Ա. Բաբաջանյանի բացառիկ մեղեղային տաղանդը:

1956-ին Բաբաջանյանը տեղափոխվում է Մոսկվա: Մկիզ է առնում կոմպոզիտորի երկարատև ու բեղմնավոր ստեղծագործական համագործակցությունը բանաստեղծ Ռոբերտ Ռոժենստվենսկու և երգիչ, քարիտոն, ԽՍՀՄ ժողովրդական արտիստ (1973) Մուսլիմ Մագոմաևի հետ, և ծննդում են “Ելագուր տեբա” («Ծնորհակալ եմ քեզնից»), “Զիմնյա լյոբօվ” («Զմեռային սեր»), “Պոկա յ պոմիո – յ շիվ” («Քանի դեռ իշշում եմ ես ապրում եմ»), “Պոզովի մենյա” («Կանչիր ինձ»), “Свадьба” («Հարսանիք»), “Судьба” («Ծակատագիր»), “Вальс прошания” («Հրամեշտի վալու»), “Такая нам судьба дана” («Այսայիսի ճակատագիր է մեզ տրված»), “Письмо” («Նամակ»), “Ноктюрн” («Նոկտյուրն»), “Прошлая осень” («Անցյալ աշունը»), “Ребята, которых нет...” («Տղաները, որոնք չկան...»), “Приснилось мне” («Երազ տեսա»), “Загадай желание” («Գուշակիր ցանկություն»), “Встреча” («Հանդիպում»), “Моя Вселенная” («Իմ Տիեզերքը») շնչար երգերը:

«Ես գտա Բաբաջանյանին, Բաբաջանյանը գտավ իման, մենք երկուս գտանք Ռոժենստվենսկուն: Այդպես էլ քայլեցինք մինչև վերջ», - հետագայում կիսուտովանի Մ. Մագոմաևը³⁸: 1969 թ. ամռանը Մոպուտում կայացած էստրադային երգի միջազգային IX փառատոնին ԽՍՀՄ միակ պատվիրակ Մ. Մագոմաևը երկրորդ

որի դեպքում երաժշտական ստեղծագործության կտավը հյուսվում է տասներկուտոնային սերիայից:

37 1973-ին «Դարսնացուն հյուսիսից» (ռեժիսոր՝ Ներսես Շովիաննիսյան) ֆիլմի համար գրված “Տոպոլինի լուխ” («Բարոյու նորախավը») երգը կատարել է Վալենտինա Տոլկունովան:

38 Բարգվում ծնված խորհրդային ճանաչված երգիչ Մ. Մագոմաևի ստեղծագործությունը ներկայաւում, չգիտես ինչու, փորձ է արվում դիտարկել «արդրեջանական ազգային երաժշտության» ծեռքերումների համատեքստուն: Մինչեւո, լեզքի հրից ու հրեա մորից սերող այդ տաղանդավոր երգչին ներկա Աղրթեջանի հետ թեևս կապում է միայն ծննդավայրի աշխարհագույն անունը: Մ. Մագոմաևի երգացանկում տեղ են գտել նաև Ա. Բաբաջանյանի մուս երգերը՝ “Հե սպեши” («Մի շտապիր»), “Տвои следы” («Քո հետքեր»), “Год любви” («Սիրու տարի»), “Москва-река” («Մոսկվա գետը»), “Верни мне музыку” («Վերադարձու իմ երաժշտությունը»), “Лучший город земли” («Աշխարհի լավագույն քաղաքը»), “Будь со мной” («Եղիր իմձ հետ»), “Солнцем опьяненный” («Արևից արքածը») և այլն:

մրցույթում կատարում է Ա.Բարաջանյանի “Сердце на снегу” («Սիրտը ձյան վրա») երգը, որն արտակարգ ընդունելություն է գտնում և երգչին բերում գլխավոր պարզեր: Ա.Բարաջանյանի և Մ.Մագոնակի տանդեմը խորհրդային Միության տարբեր ժողովուրդների ստեղծագործական դաշինքի վառ օրինակ էր, դաշինք, որի անդամներից յուրաքանչյուրն արդին դարձել էր խորհրդային երաժշտարվեստի յուրօրինակ խորհրդանիշը: Ավելի քան 20 տարի առաջ կործանվեց խորհրդային Միությունը՝ իր հետ գերեզման իշեցնելով նրա երաժշտական մշակույթը: Եվ երբ տարբեր հանրապետությունների ներկայացուցիչները հայտնվեցին բարիկադների հակառակ կողմերում, հակամարտող բանակներում, կարծես ի հեճուկս ստեղծված իրավիճակի՝ Ա. Բարաջանյանի մահից շուրջ 20 տարի անց՝ 2002-ին, Մ.Մագոնակը «Աստղեր, որոնք չեն մարում» շարքից ձայնագրում է “Յօհոն Կողովոր և Ա. Բաբաջանյան և Ռ. Ռուսակով մասին» խտասալիկը՝ երթեմնի հզոր մշակույթի վկայությունը:

Բացատիկ էր Ա.Բարաջանյանի և բանաստեղծներ Եվգենի Եվսուչենկոյի (“Հե սպեши” («Սի շտապիր»), “Твои следы” («Ձո՞ն հետքերը»), Անդրեյ Վոզնեսենսկու (“Год любви” («Սիրո տարի»), “Москва-река”³⁹ («Մոսկվա գետը»), “Верни мне музыку” («Վերադարձրու ինձ երաժշտությունը»), “Парижский снег” («Փարիզյան ձյունը»)), Լեոնիդ Դերբենյովի (“Լուշտի город земли” («Աշխարհի լավագույն քաղաքը»), “Ты приснишься мне” («Երազում քեզ տեսա») համատեղ գրված երգերին բաժին ընկած հաջողությունը: Ա.Բարաջանյանի երգերն իրար ետևից լույս աշխարհ էին գալիս երջանիկ աստղի տակ:

Արձագանքելով 1965-ին Կուրայում անցկացված գեղեցկության մրցույթին՝ Ա.Բարաջանյանը գրում է “Королева красоты” («Գեղեցկության բազուիին») երգը, որն առաջին անգամ ուղիղով հնչելով 1965-ին, անմիջապես դառնում է հանրահայտ ու դեռևս նոտաները չհրատարակված՝ ողջ ժողովուրդը երգում էր այս: Պատահական չէ, որ այս երգը համաժողովրդական հարցման արյունքներով ճանաչվում է տարվա լավագույն երգ: Տեքստի հեղինակն էր Ա.Գորոխովը, որի հետ Ա. Բարաջանյանի համագործակցությամբ ծնվեցին նաև “Будь со мной” («Եղիր ինձ հետ»), “Солнцем опьяняенныи” («Արևից արբածը») երգերը, որոնք ևս փայլուն կերպով կատարեց Մ.Մագոնակը:

Ա.Բարաջանյանի կինոերաժշտությունը ևս ֆենոմեն էր, քանզի կինոֆիլմերի համար գրված նրա երգերն անջատվում էին, քարգմանվում և ապրում իրենց ինքնուրույն կյանքով՝ երգվելով հանրահայտ երգիչ-երգչուիկների կողմից: «Առաջին սիրո երգը» ֆիլմից (1951) Հովհ. Ղուկասյանի տեքստով գրված «Երգ առաջին սիրո»-ն ու Վ.Հարությունյանի խոսքերով հորինված «Սիրո երգ» և «Իմ Երևան» երգերն անմիջապես հանրահայտ դարձան և մեծ հրշակ բերեցին հեղինակին: Իսկ ինչ վերաբերում է նրա «Սերեմատին» («Երևանի սիրուն աղջիկ»), ապա այս արդին վաղուց դարձել է ժողովրդական և քչերին է հայտնի, որ այդ երգի հեղինակը Ա. Բարաջանյանն է: Շուտով՝ 1959-ին, «Առաջին սիրո երգը» ֆիլմի մեծ ժողովրդականություն վայելած շորս երգերը հրատարակում է «Հայպետհրատը», հայերեն և ռուսերեն տեսքտերով⁴⁰: Ծանրակշիռ էր ականավոր կոմպոզիտորի

³⁹ “Москва-река” երգը կատարել է խորհրդային ականավոր երգչուիի Լյուդմիլա Զիկինան:

⁴⁰ Տես Բարաջանյան Ա., երգ առաջին սիրո, Եր. Հայպետհրատ, 1959:

ներդրումը նաև գործիքային ջազի, երաժշտական-թատերական ժանրերի բնագավառներում:

Իր երգերով ու կիսուերաժշտությամբ Ա.Բարաջանյանը մեծապես նպաստեց հայկական և խորհրդային էստրադային երաժշտության զարգացմանը: Նա ազգային մեղեղիները հարստացնում էր՝ լրանք օժտելով ժամանակակից դիմամիկ ոլիրմերով, հարմոնիկ թարմ հնչողությամբ: Նրա երգերն ու էստրադային նվազամիջի համար գրված գործիքային ստեղծագործությունները սիրով էր ընդունում ունկնդիրը:

«Ո՞րն է Զեր ամենասիրելի երգը» հարցին Ա.Բարաջանյանը պատասխանել է. «Այն դեռևս չեմ գրել»: Այդպես էլ կյանքից հեռացավ երգի անզուգական վարպետը՝ դեռևս իր ամենասիրելի երգը չստեղծած: Սակայն նրա երգերը սիրեց ու երգեց ժողովուրդը: Երգեց թե՛ հայերեն, թե՛ ռուսերեն: Ա. Բարաջանյանի երգերը այսօր էլ մեծ ոգևորությամբ կատարում են ոռուսական էստրադային երաժշտության աստղերը, ռուսական ժողովրդական երգի վարպետները, օպերային երգիչները...

Իսկ ահա Առն Բարաջանյանի «Ազգ փառապանձը» Հայաստանի պետական ակադեմիական երգչախմբի կատարմամբ՝ ԽՍՀՄ և ՀԽՍՀ ժողովրդական արտիստ, ԽՍՀՄ և ՀԽՍՀ Պետական մրցանակների դափնեկիր Հովհաննես Չեքիչյանի դեկավարությամբ, հնչում է և կինչի իրու հավերժության ձևն հայ ժողովրդին:

Ճիշտ տասը տարի առաջ՝ 2001-ին, Հայֆիլհարմոնիայի փոքր դահլիճն անվանակոչվեց Առն Բարաջանյանի անունով: Կարծում ենք, ներկայում արդեն անհրաժեշտ է՝

ա. ի մի բերել տարբեր արխիվներում և մասնավոր հավաքածուներում գրված նրան ստեղծագործական ողջ ժառանգությունը, որը դեռևս սպասում է իր երաժշտագետ-հետազոտողին,

բ. իրականացնել Ա.Բարաջանյանի «Երկերի լիակատար ժողովածու»-ի ակադեմիական բազմահատոր հրատարակությունը,

գ. մեծ երգահանի հարազատ քաղաքում՝ Երևանում, հիմնել ականավոր երևանցու՝ Առն Բարաջանյանի տուն-թանգարանը:

ARNO BABAJANYAN: THE SUBTLE FEATURES OF THE PORTRAIT

On the 90th Anniversary of the Eminent Composer

Anna G. Asatryan